

55 aña di Carnaval di Aruba recorda den bunita serie di stampia

Pa motibo cu e actividad cultural tradicional y principal di Aruba ta carnaval, Post Aruba no por a laga e oportunidad aki djis pasa bay sin produci un bunita set di stampia como recuerdo pa celebracion di 55 aña di carnaval di Aruba. Por refleha carnaval di Aruba den hopi aspecto, pero artista Rhona Lemming a scoge un escena carnavalesco tipico di caya: hende bunita, hopi colo, multitud cu ta balia, carozanan masha bunita decora, Reina di Carnaval. Y naturalmente Rhona ta mostra tambe loke Aruba por ta mas orguyoso di dje: su 55 aña di carnaval.



ta e Rey di temporada di carnaval, cu tur e bebemento, comemento y baliamento. Kimamento di Momo (e aña aki dia 24 di februari) ta nifica e transicion pa temporada di Cuaresma. Esaki ta nifica tambe, fin di carnaval. Especialmente catoliconan ta duna esaki un nificacion simbolico grandi. Esaki ta cuminzamento di e temporada di Cuaresma, un temporada pa abstene di come carni of otro productonan animal. Y otro aña, celebracion di carnaval ta bolbe tuma luga.

Historia di Carnaval di Aruba

Carnaval a cuminsa mas cu 55 aña pasa. For di aña 1921 caba Aruba a cuminsa hunga carnaval, pero e prome parada berdadero di carnaval a tuma luga na aña 1954. Nos por mira carnaval manera un serie di festividad cu hende ta uza pa habri aña despues di a celebra dia di Aña Nobo. Aruba su carnaval ta conoci rond mundo. Turista di diferente pais ta gusta bin Aruba pa mire y admire. Carnaval ta un celebracion enormemente grandi y yen di alegria. For di lunanan adelanta nos hendenan ta cuminsa prepara nan

trahenan y nan ta cuminsa diseña e carozanan.

Celebracion di temporada di carnaval ta cuminsa oficialmente dia 11 di November, 11 or, 11 minuut y 11 seconde di mainta. Carnaval ta cuminsa cu un parada di flambeo, loke ta lanta e animo y e spirito di carnaval.

Nan ta bisa cu ta trahadornan di Trinidad, kendenan tabata traha den nos industria petrolero, a trece carnaval Aruba. Algun Arubiano di gruponan elite a cuminsa celebra e evento aki tambe y a expande esaki durante curso di añanan, di manera cu el a bira mas y mas grandi.

Stichting Arubaans Carnaval (Fundacion di Carnaval di Aruba), esta SAC, ta organiza carnaval na Aruba. Nan ta prepara un programa completo pa tur actividad y nan ta responsabel tambe pa tur evento tuma luga den forma corecto y sin contratempo.

Cierto personahe- y actividadnan ta tipico pa carnaval di Aruba. Ta organiza tur sorto di eleccion, for di Prins y Pancho te na Rey Momo (e rey of e spirito di carnaval). Entre esakinan tin eleccion di reinanan di carnaval infantil, hubenil y grandi y tambe rey- of reinanan infantil, hubenil y grandi di Calypso, Roadmarch y Tumba.

E parada mas famoso ta e Parada di Luz. Esaki ta tuma luga anochi y e ta masha bunita mes pa mira, pasobra no solamente e carozanan ta decora cu luz, sino tambe

e participantenan ta uza luz riba nan trahe.

Tur aña Jouvert Morning ta tuma luga na San Nicolas. Preparacionnan ta cuminsa for di mey-anochi caba y e comparsa ta sali 4 or di marduga y ta caba te den oranan di mainta. Ta logico cu hopi hende ta asisti bisti cu nan pijama tambe.

E parada mas grandi ta e Gran Parada di Carnaval (e aña aki dia 22 di februari). E ta cuminsa 11 or di mainta y ta dura varios ora. Ta importante pa haya un bon luga canto di caminda pa por aprecie. Ultimo añanan Gobierno ta otorga kavelnan special. Hendenan ta pone trailer, stelage of tent canto di caminda. Por mira cu tin cantidad di fiestamento, baliamento y gozo. Riba e ultimo dia di e temporada di carnaval, diamars anochi prome cu diaranzon di shinishi, ta kima Rey Momo.

Momo ta simboliza placer. E

E serie di recuerdo ta consisti di 4 stampia:

- di 75 cen: Reina di carnaval y caroz.
- di 100 cen: caroz cu payaso y e 55 añanan riba dje.
- di 175 cen: caroz cu 55 aña y un boter di champaña.
- di 225 cen: multitud ta balia durante carnaval.

Por cumpra e edicion di 4 stampia na Oficina di Post. Por haye tambe den un envelop cu e 'prome dia di emision'.

E emision aki ta obtenibel pa tur cliente y tur otro hende cu ta desea di posee e stampianan aki, na Oficinanan di Post na Oranjestad, San Nicolas, Santa Cruz y na Port of Call, cuminzando for di dia 6 di februari 2009 te dia 5 di februari 2010. Por encarga e stampianan aki tambe via e-mail: philatelic@postaruba.com.

Beter laat dan nooit!

Ayer 4 februari 2009 a cumpli 6 aña e prinses di su oma, Richeleen Tromp. Masha pabien, hopi sunchi, braza, y hopi bendicion. Ta deseo di henter famia.